



UNIVERSITÄTS-
BIBLIOTHEK
PADERBORN

Universitätsbibliothek Paderborn

Methodus Clara Et Facilis Vacandi Orationi mentali Atque Exercendi se cum fructu in præsentia Dei

Coloniæ Agrippinæ, 1687

Caput XXXIX. De Excitatore matutino pro oratione mentali.

[urn:nbn:de:hbz:466:1-46004](https://nbn-resolving.org/urn:nbn:de:hbz:466:1-46004)

Hoc signum magni Regis est; eamus & inquiramus eum. Prope est Dominus: venite adoremus.

Desumi etiam poterit è nonnullis Psalmorum versiculis, aut exemplo vetustiorum quorundam Monasteriorum, quorum meminit S. Hieronymus, ex cœlesti *Alleluja* quod significat *laudate Deum*.

CAPUT XXXIX.

De excitatore matutino pro oratione mentali.

Quod si excitator nocturnus officio fungitur Angeli illius, qui Pastores invitabat, ut venirent ac Dominum nostrum adorarent in præsepio, Matutinus istum refert, qui Dominicæ Resurrectionis diei manè sanctis loquebatur mulieribus, illasque mittebat ad Apostolos, ut isti exinde apparitionibus ac suavissimâ ejusdem Salvatoris nostri præsentiam recrearentur. Oratio enim mentalis exercitium est, in quo Dominus noster præsentiam suam animas id cupientes consolatur, ubi illis degustandum ac sentiendum se præbet.

Est etiam instar servi illius Patrisfamilias, de quo dicitur in Evangelio, quod ubi amicis suis apparasset convivium, illum misit, ut illos moneret, ut venirent, quoniam omnia jam parata forent: *Misit servum suum hora cœnæ dicere invitatis, ut venirent: quia jam parata sunt omnia.* Oratio enim mentalis bonorum Religiosorum spirituale ac voluptuosum convivium est.

LUC. 14.
17.

Dire-

Directio.

" Domine , habeo dilectos servos tuos ex-
 " pergefacerè , ut coram divina Majestate tua
 " compareant , te adorent , in te animos suos
 " occupent , ac sanctâ præsentia tuâ oblectentur.
 " In singulis eorum honorare te cupio , & glo-
 " riæ , quam tibi daturi sunt , particeps esse de-
 " sidero. Offero tibi actionem istam , ut ea
 " ratione eluam noxas , quas tempore occæ-
 " cationis meæ in mundo contra te admisi , ubi
 " socios meos ab exercitiis pietatis averti. Oro
 " te , acceptam illam ut habeas , & gratiam mihi
 " istam concedas , ut illam sic exequar , tibi in
 " ea ut placeam. Virgo sacratissima , tuis præ-
 " cibus auxilio mihi ut sis oro.

Actus interiores inter excitandum.

1. Itote Angeli terrestres , ut præsentia & consuetudine supremi Regis vestri fruamini.

2. Itote , amici sponsi , ut cum illo congau- deatis , atque interiorum animi deliciarum par- ticipes efficiamini.

3. Surgitote , divinæ sapientiæ Filii , illius ad scholam ut vos conferatis : fore etenim adpro- misit , illis ut sese manifestet , qui manè illum quæsierint : *Qui manè vigilant ad me , inve-* *Prov. 8.*
nient me. 17.

4. Manè surgunt opifices , ut operi ac la- bori suo insistant ? Religiosorum opus oratio est , ad illam ergò eundem primo diluculo est. Nunquid à temporalibus operariis anteverti se sinent ? pro cælo non facient id quod opifices pro temporaneo facere amant emolumento ?

5. Milites, qui sub Regibus terræ merent, summo manè tympanorum tubarumve sono, qui sensibus eorum demulcendis nequaquam inservit, quoniam vita eorum dura, operosa ac laboriosa est, excitantur. Agite Patres ac Fratres mei, magni milites Regis, prælium ineamus cum vitis, ac potissimum cum socordia, quæ una cæteris vires ministrat, ac sine qua illa facili negotio vincerentur. *In matutino interficiebam omnes peccatores terra: hoc est omnia vitia, nempe superando desidia, quæ aliorum perverissima nutritrix est.*

Ps. 100. 8.

6. Devotio manna cæli est, quod primo manè pro toto die reliquo potius comparandum ac coacervandum est, quàm olim illud materiale, quod Deus in deserto submittebat Israëlitis, quod pleno die omninò reperire non erat. *Ut notum omnibus esset, Domine, quoniam oportet prevenire Solem ad benedictionem tuam, & ad ortum lucis te adorare.*

Sap. 15. 27.

CAPUT XL.

De eo, qui hyeme post matutinas aut alio tempore accendit ignem, quo Religiosi se calefaciunt.

Directio.

Domine Deus, obedientia sancta mihi, injungit, ut ignem accendam pro Patribus ac Fratibus meis, qui tuis jam tum laudibus decantatis somnum repetere habent,